

Izjava: Stranke u BiH bi trebalo da teže normalizaciji odnosa između entiteta, a ne da podižu barijere procesu integracije

Viši zamjenik visokog predstavnika Martin Ney danas je izrazio razočarenje zbog događaja koji su uslijedili nakon prisustvovanja ministra odbrane BiH i njegovog osoblja dešavanjima u vezi sa Danom RS, 9. januara 2006. godine.

“Razočaran sam što je SDA odlučila da politizuje prisustvo ministra odbrane i njegovog osoblja. Pozivnicu upućenu njima vidim kao jasan signal da Republika Srpska potpuno prihvata stvaranje jedinstvene Vojske BiH, a njihovu odluku da prisustvuju kao zauzimanje mjesta koje im pripada kao predstavnicima jedinstvene vojske, u kojoj su zastupljeni svi građani BiH”, rekao je viši zamjenik visokog predstavnika.

“Zato sam uznemiren neprikladnim komentarima zamjenika ministra odbrane Bećirbašića koji, kako misli OHR, služe potkopavanju jedinstvene državne komande i kontrole nad jedinstvenom Vojskom BiH. BiH bi trebalo da teži normalizaciji odnosa između entiteta, a ne da stalno podiže barijere za integraciju konstitutivnih naroda”, dodao je viši zamjenik visokog predstavnika.